



Indgået

Inatsisartuni ilasortaq
Karl-Kristian Kruse

16 FEB. 2017

NAMMINERSORLUTIK OQARTUSSAT
GRØNLANDS SELVSTYRE
INATSISARTUT ALLATTOQARFIAT
BUREAU FOR INATSISARTUT
BOX 1060 - 3900 NUUK

§ 37 naapertorlugu apeqqummut nr. 2017-66-imut allakkatigut akissuteqaat

Brevdato: 15. februar 2017

Asasara Karl-Kristian Kruse

Sags nr. 2017 - 2732
Dok. nr. 17144953

Apeqqutinnut qujanaq.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
www.naalakkersuisut.gl

1. Nunatsinni assartuussinikkut inoqarfiiit ilaannaannut mamaqfragt atuutsinneqarnera tamanut atuutsinneqarnissaannik Naalakkersuisut pilersaaruteqarpat?

Akissut: Mamaq tassaavoq nassiusisarnermi aaqqissuussineq, Air Greenlandip niuernermik tunngaveqarluni nerisassanik timmisartukkut aalajangersimasumik akeqartitsilluni Kalaallit Nunaanni nassiusisarnermut neqeroórutigisa. Mamaq niuernermik tunngaveqarluni silaannakkut angallassinermi sullissineruvoq, Air Greenlandimit isumagineqartoq, aammalu kiffartuussinissamut isumaqatigiissutinut ilaangnitsoq.

Naalakkersuisut aaqqissuussinerup taassuma kiffartuussinissamut isumaqatigiissutinut ilanngunneqarnissaanik eqqarsaateqanngillat.

2. Imaatigut usinik assartuussinermi Nunaqarfinniik nassiusanik innutaasut nassiusiniarternerat eqaannerulersinnejarnissaa naalakkersuisut pilersaarutigivaat

Akissut: Nunaqarfinnut nassiusat usinik assartuussinissamut akuersissutip tunniunneqarnera aqqutigalugu (tak. Kalaallit Nunaannut, Kalallit Nunaannit Kalaallit Nunannilu usinik imaatigut assartuineq pillugu Inatsisartut peqqussutaat nr. 16, 30. oktober 1992-imeersoq) aamma Royal Arctic Line A/S-imut kiffartuunneqarnissamik isumaqatigiissut aqqutigalugu maleruagassiorneqarput.

Namminersorlutik Oqartussat ukiut tamaasa aningasanut inatsit aqqutigalugu nunaqarfinnut nunaqarfinniillu nassiusanik assartuussinerup ingerlannejarnissaanut aningasanik immikkoortitsisarput. Nunaqarfinnut isorliunerusunllu nassiusanik assartuussinissamut isumaqatigiissut 2017-ip ingerlanerani 2018-imiit atuutilersussanngorlugu isumaqatiginninniutigineqaqqissaq.

Tunngaviusumik Royal Arctic Line A/S akuersissuteqarnerup iluani Kalaallit Nunaanni illoqarfinnut tamanut angalasartussaavoq. Kiffartuussinissamut isumaqatigiissutinut

taakkununnga aningaasaliussat aningaasanut inatsimmi kontomi pingaarnermi 72.20.10
Nassiusanik assartuussineq, immikkoortinneqarput.

Inussiarnersumik inuulluaqqusillunga



Múte B. Egede